

LYHYVERSUUNI

Kylttyyrisuunitelma

Kronoberg 2025–2028

ONS



REGION
KRONOBERG

Tämän Region Kronoberg halvaa!

Hyvän elämän elinvoimakhaassa Kronobergissä

Region Kronobergin tulevaisuuden näky on hyvä elämä elinvoimakhaassa Kronobergissä. Se pitää olla atraktiivista asua, olla töissä ja elää täällä. Kylttypiiri ja sivistys eesauttaa tekseen elävän, aukeimen ja temokraattisen Kronobergin. Kylttypiirinuunitelma on yks kaikenkattavista strategiistä jotka ohjaava region Kronobergin työtä visuunin suunthaan.

Respekti ihmiselle

Region Kronobergin normi on respekti ihmiselle. Met puolustamma joka yksityisen ihmisen oikeuden kylttypiiriin ja vaphaassen kannanotoon. Kylttypiiriset oikeudet merkittevä ette ottaa ossaa taithe-elisiin elämyksiin ja itte sa mahdollisuuden vaphaasti ilmasta ittensä taitheelisesti.

Kylttypiiri ja temokratii

Ruottissa sananvaphaus, taitheellinen vaphaus ja jokasen ihmisen oikeus kylttypiiriin on suojattu perustuslaissa ja tärkeä osa meän temokratiista. Kylttypiiriä pitää löytyä koko maassa. Kansalisen, rekionaalisen ja kunnallisen politiikan tehtävä perustuu vahvasti temokratiin ja ihmisoikeuksitten päälle.

Kansalaiset kylttypiiripolitiikan päämäärät oon lähtökohta

Kylttypiirinuunitelma Kronoberg 2025-2028 lähtee kansalaisista päämääristä joista valtiopäivät oon päättäny; kylttypiiripolitiikan kolme päämäärää ittenäisyyle, osalistumiselle ja yhteiskunnalle.

ITTENÄISYSPÄÄMÄÄRÄ

Kylttypiiri pitää olla elävä, haastava ja vapa voima sanavaphausten perustuksella

OSALISTUMISPÄÄMÄÄRÄ

Kaikila pitää olla mahdollisuus osalistua kylttypiirielämässä

YHTEISKUNTAPÄÄMÄÄRÄ

Kreativiteetti, moninaisuus ja taitheellinen laatu pitää leimata yhteiskunnan kehitystä

Kolme pitkänaikhaista kylttypiiripoliittista päämäärää, kuuela priuriteerinkillä, jotka johtava kronobergiä kohti päämääriä vuosina 2025–2028

Region Kronoberg toimii aktiivisesti kylttypiiripoliittisten päämäärien lähestymistä, meän olosuhtheista lähtien meän alueela, Eteläruottin keskelä. Met tehämä sen yhdessä valtion, läänin kaheksan kunnan, ammatimaisen kylttypiirielämän, siviilin yhteiskunnan, Eteläruottin rekiuunitten kans ja niin Kronobergin asukhaitten ja viehraitten kans.

Met suojaama kylttypiirin yhteistyömallia ja voimaa kansalaisessa, rekiuunaalisessa ja kunnallisessa priuriteerinkissä – rikhaale ja eläville kylttypiirielämälle koko maassa. Yhessä met takkaama kestävän ja sisäl-tävän lamun ja terävän kylttypiirielämän täällä Kronobergissä.

Mitäs tapahtuu 2025–2028?

Region Kronobergillä oon formelli ees-vastuu kylttypiirinuunitelmale, mutta se tehhään yhdessä monen muun kans. Lue lissää kunka priuriteerinkit tuleva konkreettiset teot kylttypiirinuunitelmassa Kronoberg 2025–2028.





Ittenäisyyspäämäärä

Kronobergissä kylttyyri pittää olla elävä, haastava ja vapa voima, sanavaphauen perustheela.

Kylttyyripolitiikan niin sanottu ittenäisyyspäämäärä kertoo kylttyyriin omaarvosta ja perusolosuhtheista. Temokraattisessa yhteiseiskunnassa kylttyyriin voima rakentuu vaphauesta. Toinen ehto ittenäisyyspäämääräle on toimiva ekonoominen systeemi kylttyyriile, koko maassa.

Smålandilaisela keksimisrikhauen ja toiminanvoiman avula, lähesyyelä pienessä rekiuunissa ja pitkän perintheen yhtheistyöstä läänin rajoitten yli, region Kronobergilä oon hyvät maholisuuet eesauttaa aktiivisesti kylttyyripolitiikan ittenäisyyspäämäärän työssä.

Region Kronoberg tekkee kaks priuriteerinkiä jokka eesauttava kansalisheen kylttyyripolitiikan ittenäisyyspäämäärään 2025–2028.

PRIURITEERINKI 1:

Met varmistamma elinvoimakhaan kylttyyrielämän missä oon moninaisuus, laatu ja taitheelinen uuistus Kronobergissä

Met tehämä sen yhdessä vuosina 2025–2028 tällä tavala:

- Met hoijama pitkänaikhaisesti tehtävän kylttyyriyhtheistyömallin mukhaan ja järjestämmä vahvoja maholisuuksia ja yhtheistyöarenoja regiunaalile kylttyyritoiminallle

- Met kannustamma laatua, taitheelista uuistusta ja järjestyskehitystä
- Met kehitämmä rekiuuninvalistä yhtheistyötä Region samverkan Sydsverigen sisälä
- Met kehitämmä kylttyyripolitiikan moniastheenyhtheistyötä kunnitten kans ja tuoma näkösalä ja tehämä kunnat voimakhaamaksi kylttyyriyhtheistyömallissa
- Met järjestämmä hyviä maholisuuksia ammatti kylttyyrintyöntekijöile jokka asuva ja toimiva täälä

PRIURITEERINKI 2:

Met vahvistamma Kronobergin profiiliä taitheelisessa vaphauessa, sanavaphauessa ja kirjalisuudessa

Met tehämä sen yhdessä vuosina 2025–2028 tällä tavala:

- Met olema opettava ja rohkea järjestelmä jokka kehittää rytiiniä ja tekke ittensä valhmiiksi käsittelheen kysymyksiä sanavaphauesta ja taitheelisesta vaphaues-ta polariseeratussa nykyaijassa
- Met kehitämmä karkikompetensiä sanavaphauesta moniasteyhtheistyössä kylttyyriyhtheistyömallissa
- Met jatkama kehitystä rekiuunin kirjalisuuseistävää toimintaa



Osalistumispäämäärä

Kronobergissä kaikila pittää olla maholisuus osalistua kylttyyrielämässä

Kylttyyripolitiikan niin sanottu osalistumispäämäärä kertoo ihmisoikeuksista ja oon tärkeä lähtökohta temokratiile. Julkinen yhteiseikunta pittää kunnioittaa yksilön oikeuen ottaa ossaa taitheelisistä elämyksistä ja ittelä olla maholisuus ilmasta ittensä taitheessa.

Kronobergissä oon hyvät maholisuuet eesauttaa aktiivisesti kylttyyripolitiikan osanottopäämäärätyössä. Läänin asukhaat, ”kylttyyrikronobergarit”, oon enämpi myötä kylttyyriissä ko vertaa muuala maassa. Småland poikkea erityisesti omassa luovassa työssä.

Region Kronoberg priuriteera kahessa kohassa mikkä eesauttava kansalista kylttyyripolitista osanottopäämäärää 2025–2028.

PRIURITEERINKI 3:

Met toimima saapuvilla olevalle kylttyyrielämälle Kronobergissä – täälä pittää olla helppo käyttää sinun oikeutta kylttyyriin

Met tehämä sen yhdessä vuosina 2025–2028 tällä tavala:

- Met tarjoamma laajan ja monenlaisen kylttyyriohjelman jeokraafisesti, tiki-taalisesti, fyysisesti ja kielelisesti hyvin saapuvilla
- Met kannustamma kansalisitten minuriteetitten maholisuuet säilyttää ja kehittää kylttyyriinsä ja kielensä

- Met laitama maholisuuksia laajentaa osanottoa kylttyyrielämässä ja kylttyyriä ihmisten arkipäivässä
- Met kannustamma sivilin yhteiseikunnan rekiunaalisia stryktyyriä ja yhtheistyö- ja järjestäjämallia

PRIURITEERINKI 4:

Met takkaama kaikkiin lasten ja nuorten oikeuen kylttyyriin ja laajenamma samanarvon Kronobergissä

Met tehämä sen yhdessä vuosina 2025–2028 tällä tavala:

- Met tarjoamma hyvänlaatusta rekionaalia kylttyyritoimintaa missä oon kylttyyriin moninaisuus ja oon hyvin saapuvilla lapsile, nuorile ja nuorile täysile
- Met vahvistamma yhtheistyön kunnitten kans kouluitten kylttyyritehtävissä ja kylttyyrikouluissa
- Mer kannustamma lasten, nuorten ja nuorten täysitten omia kylttyyriisiä ilhmeitä ja osanottoa kylttyyrielämässä ja yhteiseikunnassa



Yhteiskuntapäämäärä

Kronobergissä kreatiiviteetti, moninaisuus ja taitteellinen laatu pittää leimata yhteiskunnan kehitystä



Kyltтыyriä oon omaarvo mutta hyöyttää kans yhteiskuntaa ja muita arvoja. Kyltтыyripolitiikan niin sanotut yhteiskuntapäämäärät kertova tästä: kyltтыyriin ”siuefektää” ja merkitys kehitysvoina yhteiskunnassa. Kyltтыyri ja siviilyhteiskunta eesauttava yhteiskuntia tulheen sosiaalisesti, ympäristölle ja ekonoomisesti pysyvät ja niillä oon tärkeitä tehtäviä kysymyksissä vahvuudesta, varmuudesta ja kriisivalmiudesta.

Pienemän alueen lähisyyys ja meän keinot muutostyössä antava Kronobergile hyät maholisuuat eesauttaa työssä kyltтыyripolitiikan yhteiskuntapäämäärän kans.

Region Kronoberg tekkee kaks priuriteerinkiä mikkä eesauttava kansalista kyltтыyripolittista yhteiskuntapäämäärää 2025-2028.

PRIURITEERINKI 5:

Met kehitämmä kyltтыyriin ja siviilyhteiskunnan kykyä eesauttaa pysyvhään ja vahvaan Kronoberghiin

Met tehämä sen yhdessä vuosina 2025–2028 tällä tavala:

- Met kannustamma rekiuunista kyltтыyritoimintaa ja siviilyhteiskunnan maholisuuksia olla resyrsi työssä kestävän kehityksen kans

- Met kehitämmä työtä tasa-arvo-intekreerinkin ja tasa-arvo-analyysitten kans rekiuunaalisessa kyltтыyritehtävässä.
- Met vahvistamma työtä kriisi- ja valmiuskysymyksissä ja suunnittelemma kunka met säilytämmä kyltтыyritoimintaa ja suojaama kyltтыyriperinettä jos vaatii lujeman valmiuksen eli sotatilantheessa.

PRIURITEERINKI 6:

Met kannustamma kyltтыyriin ja siviilyhteiskunnan merkitystä hyvinvoivile ja atraktiivile alueile ja paikoile kronobergissä

Met tehämä sen yhdessä vuosina 2025–2028 tällä tavala:

- Met kehitämmä työtä näytettyin elinpaikkojen kans, missä kyltтыyriä, kyltтыyriperintheelä ja kyltтыyrihistuurialla oon luonolinen osa paikan- ja kyläkehityksessä
- Met vahvistamma kyltтыyri sektorin sitheen atraktiivhiin ja pysyvhään vierailu-elinkeihnoon, joka kykenee muutouthuun muuttuvassa mailmassa
- Met toimima aktiivisen myötälumisen puolesta yhteiskunnassa ja lissäämä tietoa kyltтыyriin terhveyenparantavista vaikutuksista.

Rekiuunitten kyltтыyrisuunitelmat

– osa kyltтыyriyhtheistyömallista

Rekiuunaali kyltтыyrisuunitelma oon ehto saattaa osalistua valtion kyltтыyriyhtheistyömalliin. Kyltтыyriyhtheistyömalli merkittee ette valtio ja rekiuunit tekevä työtä yhdessä ette saavuttaa kansaliset kyltтыyripolittiset päämäärät koko maassa. Rekiuunitten kyltтыyrisuunitelmat ohjathan laissa (2010:1919) ja hallitus päätöksessä (2010:2012) ja Kulturrädin ohjeissa ja jokavuotisissa ehtopäätöksissä.

Kyltтыyrisuunitelmila oon monta toimia ja lamu kohteryhmä


Kyltтыyrisuunitelma oon kyltтыyripolittisen raamiteos ja visuunitokymmentti, missä rekiuunit selostava heän priuriteerinkit ja kunka net seuraava kansalisia kyltтыyripolittisia päämääriä. Net oon perus tialookile ja yhtheistyöle monien intressenttiin kans läänin kyltтыyrikysymyksissä ja oon kans johtotokymäntti rekiuunin kyltтыyritoiminnalle. Kyltтыyrisuunitelmat oon kans hakemus Kulturrädehtiin ja perus valtion-rahotuksen jaole rekiuunile.

Lyhy versuuni kyltтыyrisuunitelma kronoberg 2025–2028

Tässä lyhyssä versuunissa oon koottu kokhoon Region Kronobergin päämäärät ja priuriteerinkit. Lissää tietoa, katto Kulturplan Kronoberg 2025-2028. Siinä ohjathan lissää syvempää tietoa kyltтыyriyhtheistyömallista ja Region Kronobergin rekiuunaalista kyltтыyritoiminnasta, tietoa kunka tarkastus tehthiin ja määritelmä kyltтыyripolittisista käsitheistä mitä käytet- hään kyltтыyrisuunitelmassa.



[www.regionkronoberg.se/
kultur-och-upplevelser/
kulturplan-kronoberg](http://www.regionkronoberg.se/kultur-och-upplevelser/kulturplan-kronoberg)





STEINWAY & SONS



REGION
KRONOBERG

Region Kronoberg, 351 88 Växjö | 0470-58 80 00 | region@kronoberg.se